

ЎЗБЕКИСТОН «МИЛЛИЙ ТИКЛАНИШ» ДЕМОКРАТИК ПАРТИЯСИНING ИЖТИМОЙ-СИЁСИЙ ГАЗЕТАСИ



# milliy

tiklanish

ISSN 2010-7114  
1995 йил 10 июльдан чиқиб бораётган

№ 34 (1084) 2020 йил чоршанба

www.mt.uz / mtiklanish@mail.ru / mtikla

**«СЕН – ҚУДРАТ МАНБАИ,  
САОДАТ МАСКАНИ,  
ЖОНАЖОН ЎЗБЕКИСТОНИМ!»**



5

**Кўза кунда синиши  
ВАЗИРНИНГ ҲАМ ХАЁЛИГА  
КЕЛМАГАНДА...**



7

**ОДАМЗОТНИ  
АСРА ҚОДИР  
ХУДОЙИМ!**

### 3с. ПАРЛАМЕНТДА

ушбу Қонун лойиҳасида шу пайтгача кўплаб саволларни келтириб чиқараётган муаммоли масалалар ўз ечимини топмоқда.

### 6с. МАДАНИЙ

мерос объектлари узоқ муддатга ижарага берилади

Узоқ муддатга (10 – 30 йилга) шундан, 5 йил имтиёзли давр.

### 4с. ЮКСАЛИШ ТАРАДДУДИ

## ПАРТИЯ

# ҚАРОР

ИЖРОСИНИ

КАТЪИЙ НАЗОРАТГА ОЛАДИ

«РЕСПУБЛИКА ОЗИК-ОВҚАТ САНОАТИНИ ЖАДАЛ РИВОЖЛАНТИРИШ ҲАМДА АҲОЛИНИ СИФАТЛИ ОЗИК-ОВҚАТ МАҲСУЛОТЛАРИ БИЛАН ТУЛАҚОНЛИ ТАЪМИНЛАШГА ДОИР ЧОРА-ТАДБИРЛАР ТЎҒРИСИДА» ГИ ПРЕЗИДЕНТ ҚАРОРИ УТАЕТГАН ҲАФТАНИНГ ЭНГ МУҲИМ ХУЖЖАТИ БЎЛДИ.

**2 МИЛЛИАРД**га яқин киши темир моддаси ва **А** витамини каби организм учун ўта зарур бўлган органик микроэлементларни талаб даражасида тановул қилмаяпти. 155 миллион бола ўсиш ва ривожланиш борасида, 52 миллион бола эса сурункали чарчоқдан азият чекапти...

### Депутатларнинг югурдаклик фаолиятига чек қўйилди

Ўзбекистон Республикаси Президенти Шавкат Мирзиёев томонидан Ўзбекистон Республикасининг «Халқ депутатлари Кенгашлари фаолияти такомиллаштирилиши муносабати билан Ўзбекистон Республикасининг айрим қонун ҳужжатларига ўзгаришлар киритиш тўғрисида»ги Қонун имзоланди.

2020 йилнинг 11 сентябрида Олий Мажлис Сенати томонидан маъқулланган ушбу қонун билан 1993 йил 2 сентябрда қабул қилинган «Маҳаллий давлат ҳокимияти тўғрисида»ги, 2004 йил 2 декабрда қабул қилинган «Халқ депутатлари вилоят, туман ва шаҳар Кенгаши депутатининг мақоми тўғрисида»ги қонунларга бир қатор ўзгаришлар киритилди.

Таҳлилчиларнинг фикрича, қонуннинг энг муҳим жиҳати у айрим маҳаллий ҳокимликларнинг депутатларни «югурдак»ка айлантиришдек иллатларига чек қўяди. Бунинг қонунга кўра, маҳаллий Кенгашлар фаолиятига ташкилий, техникавий ва бошқа жиҳатлар бўйича хизмат кўрсатиш Котибият томонидан амалга оширилиши ҳам кўрсатиб турибди.

Котибият юридик шахс ҳисобланади ва унинг фаолияти тегишли маҳаллий бюджетлар ҳисобидан молиялаштирилади.

Шу ўринда қонунда котибият тузилмаси, низоми, штатлари ва моддий-техника таъминоти, шунингдек, уларнинг ишлаши учун зарур харажатлар тегишли маҳаллий Кенгашлар томонидан тасдиқланиши белгилаб қўйилганини таъкидлаш жоиз.

Котибият ходимларининг меҳнатга оид муносабатлари эса маҳаллий Кенгашларнинг ваколат муддатига боғлиқ бўлмайди (бундан Котибият мудири мустасно). Қайд этиш жоизки, янги қонунда котибият мудирининг маҳаллий Кенгаш депутатлари орасидан тайинланиши белгиланди.

Шу ўринда ушбу муҳим қонуннинг қабул қилиниши маҳаллий давлат ҳокимияти тизимида ҳокимиятлар бўлиниши тамойилининг амалий рўйбага чиқарилишини таъминлаш учун дадил қадам бўлганини, энг асосийси маҳаллий ижро органи томонидан (Ташкилий-назорат гуруҳлари) маҳаллий вакиллик органларига ташкилий масалалар бўйича хизмат кўрсатиш каби ўзига хос бўлмаган вазифаларни топширмайдиган бўлди.



**6**  
**ХАЛҚ ТАБОБАТИ  
КАТТА ЙЎЛГА ОЛИБ  
ЧИҚИЛЯПТИ**



5

**НАВБАТДАГИ  
ПАРЛАМЕНТ  
СЎРОВИ  
БЕХЗОД  
МУСАЕВГА**

**5**  
**ДЕПУТАТ МАҲАЛЛА  
ИДОРАСИНИ ҲАМ  
«МУЗЛАТДИ»**



**Бир олам  
таассуротлар  
билан**

Душанбе шаҳрида «Ўзбекистон ва Тожикистон етакчиларининг дўстлик, яхши кўшничилик ва ўзаро ишончни мустаҳкамлашга қўшган ҳиссаси, ўзбек-тожик стратегик шериклигининг янги саҳифаси очилиши» мавзусидаги халқаро илмий-амалий конференция ўз ишини якунлади.

14 сентябрь куни анжуманнинг асосий воқеалари бўлиб ўтган эди. Бугун дастурдаги маданий тадбир доирасида конференция иштирокчилари учун мамлакатнинг айрим диққатга сазовор жойлари бўйлаб саёҳат уюштирилди.

Давоми 2-бетда

**Исроф бўлиб  
оқаётган сув  
қачон тўхтатилади**



Андижон шаҳридаги «Пистамазор» жомеъ масжиди дарвозасининг шундоққина рўпарасида, катта йўл ўртасидаги қудуқдан қарийб икки ҳафтадан буён сув тошиб, исроф бўлиб, оқиб ётибди. Бу ҳолат шаҳардаги энг катта масжид олдида хунук манзарани юзага келтириб, аҳоли ҳамда автомобиллар қатновида ноқулайликларни юзага келтирмоқда.

Давоми 6-бетда



*Айни пайтда Ўзбекистонда 130 дан зиёд турли миллат ва элат ҳамда конфессия вакиллари ўзаро тинч-тотув яшаб, ўз диний ибодати, расм-русумларини эмин-эркин бажариб келмоқда. Ҳукумат эса бунинг учун зарур шарт-шароитларни яратиб берапти.*



## ЖИНОЯТ ВА ЖИНОЯТЧИНИ ЯШИРИШ, ЎЗ ПАНОҲИГА ОЛИШ ҲАМ ЖИНОЯТ

Ўзбекистон Республикаси Конституциясининг 55-моддасида ер, ер ости бойликлари, сув, ўсимлик ва ҳайвонот дунёси ҳамда бошқа табиий захиралар умуммиллий бойлик ҳисобланиб, давлат муҳофазасида экани бўлса-да, яшил дарахтларни ноқонуний равишда кесиб кетиш ҳолатларига барҳам бериб бўлмапти. Йилдан йилга жавобгарлик чоралари кучайтирилганга қарамай, 2019 йили 3 996 та дарахт кесилиб, 7,3 млрд. сўм зарар етказилган. 2020 йилнинг 1 май ҳолатига, яъни бор-йўғи тўрт ой ичида бу кўрсаткич 4 758 ташиқ қилган. Ҳуш, жаримани янада кучайтириш билан бундай ноқонунийликларга чек қўйиб бўлармикан?

Ўзбекистон «Миллий тикланиш» демократик партиясининг Олий Мажлиси Қонунчилик палатасидаги фракцияси йиғилишида айнан шу масала қизқинчи муҳокамаларга сабаб бўлди. Маълумотларга қараганда, ер юзида урушлар, зўравонликлар, касаллик, очарчилик ва табиий офатлардан кўра, атроф-муҳит, сув ва ҳаво ифлосланишидан кўпроқ одамлар ноубуд бўляпти. Жумладан, ҳаво ифлосланиши билан боғлиқ ўлимлар сон чекчи сабаб юз берадиган ўлим миқдоридан 1,5 баробар, ОИТС, сил ва безгақдан 3, уруш ва зўравонликлардан эса 15 бараварга кўпдир. Шунинг учун ҳам фракция аъзолари «Ўсимлик дунёси объектларини муҳофаза қилишни такомиллаштириш муносабати билан Ўзбекистон Республикасининг айрим қонунларида ўзгартиришлар ва қўшимчалар киритиш тўғрисида»ги Ўзбекистон Республикаси Қонуни лойиҳасига алоҳида эътибор қаратдилар. Қайд этилишича, ушбу қонун лойиҳасини янги тартибда ишлаб чиқишдан мақсад, экология ва атроф-муҳитни муҳофаза қилиш соҳасида жиноят ва маъмурий жавобгарликнинг янги механизmlарини жорий этиш орқали ўсимлик дунёси, хусусан, дарахт, буталар ва бошқа ўсимликларни ноқонуний кесиб, уларга шикаст етказиш ёки кўчириб ўтказиш учун жиноий ва маъмурий жавобгарликни кучайтиришдан иборатдир. — Минг афсуски, минтакамиз энг тез чўлланаётган ҳудудлардан бири ҳисобланади, — деди йиғилишда фракция раҳбари Алишер Қодиров. — Қишининг совуғидан химояланиш учун битта дарахтни кесиб муаммоимизни ҳал қиламиз. Лекин ўша битта дарахт билан фарзандларимизга ўн йиллаб зарар етказишимиз мумкинлигини ўйлаб ҳам кўрмаймиз. Лойиҳада Ўзбекистон Республикасининг Жиноят кодекси ва Маъмурий жавоб-

гарлик тўғрисидаги кодексига давлат экологик назоратини амалга ошириш, шунингдек, жисмоний ёки мансабдор шахсларнинг экология ва атроф-муҳитни муҳофаза қилиш соҳасидаги қонун ҳужжатлари талабларининг бузилишини бартараф этишда жавобгарлик доирасини кенгайтириш ва кучайтириш белгиланмоқда. Хусусан, Жиноят кодексининг 198-моддаси бўйича биринчи қисмининг санкцияси «эллиқ бараваригача» сўзлари «эллиқ бараваридан юз бараваригача» сўзлари «юз бараваридан юз эллиқ бараваригача», учинчи қисмининг санкцияси эса «етмиш беш бараваридан юз бараваригача» сўзлари «юз эллиқ бараваридан икки юз бараваригача» сўзлари билан алмаштирилиб, жавобгарлик чоралари икки баравар кучайтирилмоқда. — Санкцияларни кучайтириш билан дарахтларни кесиб қолаталарини тўхтатиш бўлмайди, — деди фракция аъзоси Уктам Исламов. — Чунки мараторий эълон қилинган бўлса-да, бундай қонунбузилиш ҳолатлари йилдан-йилга ошиб борапти. Ҳатто Қорақалпоғистон Республикаси, Бухоро ва Навоий вилоятларида дарахт кесиб сотиш айрим фуқароларнинг тирикчилиги ҳам айланган. Керак бўлса, улар белгиланган жаримани олдиндан тўлаб, яна ноқонуний ҳаракатларини давом эттиряптилар... Йиғилишда таъкидланганидек, Россияда ноқонуний равишда дарахтларни кесганлик учун беш минг рублдан беш миллион рублгача жарима белгиланган. Беларусда эса жисмоний шахсга эллиқ базавий миқдорда жарима солинади. Якка тартибдаги тадбиркор учун ўндан икки юзгача ва юридик шахслар учун йигирмадан уч юзгача базавий ҳисоблаш миқдоридан жарима солиш кўзда тутилган.

Фракция йиғилишида «Виждон эркинлиги ва диний ташкилотлар тўғрисида»ги Ўзбекистон Республикаси Қонунига ўзгартиш ва қўшимчалар киритиш ҳақида»ги қонун лойиҳаси ҳам атрофлича муҳокама қилинди. Маълумки, кучли фуқаролик жамиятига асосланган давлатда инсон ҳуқуқлари, жумладан, эътиқод эркинлиги ҳуқуқи ҳам кафолатланган бўлиши лозим. Чунки давлат тараққиёти ва халқ фаровонлиги нафақат иқтисодий ва сиёсий, балки маънавий ҳамда диний омиллarga ҳам боғлиқдир. Айни пайтда Ўзбекистонда 130 дан зиёд турли миллат ва элат ҳамда конфессия вакиллари ўзаро тинч-тотув яшаб, ўз диний ибодати, расм-русумларини эмин-эркин бажариб келмоқда. Ҳукумат эса бунинг учун зарур шарт-шароитларни яратиб берапти. Қайд этишларича, янги таҳрирдаги Ўзбекистон Республикасининг «Виждон эркинлиги ва диний ташкилотлар тўғрисида»ги Қонуни лойиҳасининг қабул қилиниши — ушбу соҳадаги ҳуқуқий асосларни янада мустаҳкамлаш нуктаи назардан ниҳоятда муҳим аҳамияга эга. Лойиҳани ишлаб чиқишда қўшни давлатлар, яқин ва узоқ хориждаги диний вазият, шунингдек, халқимизнинг кўп асрлик тарихи, маданий-тарихий анъана ва қадриятлари, қолаверса, халқаро меъёрлар ва талаблар, хусусан, Инсон ҳуқуқлари умумжаҳон декларацияси, Фуқаролик ва сиёсий ҳуқуқлар тўғрисидаги халқаро пакт ҳамда БМТнинг Инсон ҳуқуқлари бўйича кўмитасининг умумий тартибдаги шарҳлари инобатга олинган. Фракция аъзолари партиянинг мақсад ва вазифаларидан келиб чиққан ҳолда ушбу қонун лойиҳаси юзасидан ўз фикр-мулоҳазаларини билдирдилар. **Равшан МАҲМУДОВ, «Milliy tiklanish» мухбири**

## БИР ОЛАМ ТААССУРОТЛАР БИЛАН ҚАЙТИШДИ

Дастлаб меҳмонлар Миллий фанлар академияси Этнография музейига ташриф буюришди. Ҳозирги Тожикистон Республикаси ҳудудининг қарийб 3000 йиллик тарихдан сўзловчи экспонатлар — тош, қулоччилик буюмлари, қимматбаҳо металл қолдиқлари, хунармандлик маҳсулотлари, қадимий давлатчилик анъаналарини акс эттирган жисмлар, кўҳна қалъалар ҳақида тасаввур берувчи бебаҳо археологик ёдгорлик намуналари барчада катта қизиқиш уйғотди.

Мумтоз адабиётда бири ҳазрат, бири султон, дея тан олинадиган Низомиддин Мир Алишер Навоий ва Абдураҳмон Жомийнинг жаҳон тарихида қиёси йўқ дўстлиги, шарқона урф-одатларга хос устоз-шогирдлик муносабатлари инъикоси сифатида қад кўтарган ҳайкали бугунги кун ёшларига азалий биродарлигимиз моҳиятидан, саодатга элтувчи эзгулик фазилатларининг устуворлигидан сабоқ бераётгандек, гўё. Эҳтимол, шунинг учун ҳам Тожикистон пойтахтидаги энг сулим масканлардан бири бўлмиш мазкур хиёбон ҳамisha душанбелликлар ва пойтахт меҳмонлари билан гавжумдир.

**Ҳисор ери жуда серҳосил бўлганлиги сабабли ўтмишда доим ёв ҳужумидан азият чеккан. Бу ҳудуд турли даврларда 10 дан зиёд давлат ихтиёрида бўлгани аниқланган. Машҳур тарихчи Марко Поло эсдаликларида ҳам Ҳисор номи кўп учрайди.**

ашёлар асосан, олимлар, экспертлар, илм-фан намояндлари, бир сўз билан айтганда зиёлилардан иборат конференция иштирокчиларида бекиёс таассурот қолдирди. Мамакатамииз делегацияси раҳбари — Ўзбекистон Республикаси Олий Мажлиси Қонунчилик палатаси спикерининг биринчи ўринбосари, юридик фанлар доктори, академик Акмал Саидов музейнинг тақдир, мулоҳазалар китобига Ўзбекистонлик меҳмонлар томонидан миннатдорлик туйғуси билан йўғрилган фикрларини ёзиб қолдирди. Маданий дастурдаги кейинги манзил Душанбеда 2018 йили очилган Мир Алишер Навоий номидаги хиёбон бўлди. Бу бежиз эмас албатта. Зеро, ушбу халқаро анжуманнинг мақсади икки давлат раҳбарларининг ўзбеклар билан тожиклар ўртасидаги маълум муддат тургунликка дуч келган азалий дўстона муносабатларини қайта тиклашга қўшган ҳиссасини эътироф этиш. Мазкур хиёбоннинг барпо этилиши ҳам айни саъй-ҳаракатларнинг муҳим таркибий қисми, десак, асло муболага бўлмайди. Хиёбон тўрида икки халқ

йиллиги нишонланган Ҳисор қалъаси алоҳида ажралиб туради. Умумий мадони 29 гектардан иборат мазкур қадимий шаҳар қолдиқлари, табиийки, ҳали тўлиқ ўрганилмаган. Тарихий маълумотларда келтирилишича, Ҳисор ери жуда серҳосил бўлганлиги сабабли ўтмишда доим ёв ҳужумидан азият чеккан. Бу ҳудуд турли даврларда 10 дан зиёд давлат ихтиёрида бўлгани аниқланган. Машҳур тарихчи Марко Поло эсдаликларида ҳам Ҳисор номи кўп учлайди. Шимолдан Сўғд вилояти билан чегарадош, шимоли-ғарбида ўзимизнинг Боботоғ ястаниб ётади. Меҳмонлар Ҳисор қалъаси бўйлаб саёҳат давомида тарихчи олимлар ҳикоялари асосида ўтмиш ҳақидаги билимларини янада мустаҳкамлаб олишди. Шу тариқа халқаро илмий-амалий конференцияда иштирок этган мамлакатимиз делегацияси қардош Тожикистондан бир олам, илиқ таассуротлар билан юртимизга қайтиб келди. **Файрат ҚОННАЗАРОВ, ЎЗА мухбири**

## Бизникилар

Мен ҳам кўп йиллар депутат бўлганман, шу сабабли ўз тажрибамдан яхши биламан — депутат бўлиш, халқ ишончини қозониш ва уни муносиб равишда оқлаш — бу осон эмас. Бундай шараф ҳар кимга ҳам насиб этмайди. Депутат — фикри зикри билан халққа энг яқин одам, доимо эл-юртнинг ташвиш ва муаммолари билан яшайдиган, катта билим ва тажрибага эга бўлган шахс. Биз, ана шу ҳақиқатдан келиб чиққан ҳолда, кейинги пайтда кадрлар сиёсатида янги бир тажрибани қўллаяпмиз. Яъни, ҳурматли депутат ва сенаторлар, партия вакиллари юксак ва масъулиятли лавозимларга тайинланмоқда. Уларга муҳим соҳалар ишониб топширилмоқда. Қисқа давр ичида Олий Мажлис палаталарининг 20 нафардан зиёд вакиллари давлат ҳокимияти ва бошқаруви тизимидаги турли юқори вазифаларга ўтказилди.

**Шавкат МИРЗИЁЕВ**



**Ro'zitoyev Akmal A'zam o'g'li**  
Toshkent shahar hokimining ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga rioya etilishini ta'minlash masalalari bo'yicha maslahatchisi lavozimiga tayinlandi



**Ismoilov Samandar Abduhakim o'g'li**  
O'zbekiston Respublikasi Oliy Majlisi Qonunchilik palatasi Spikeri o'rinbosarining yordamchisi lavozimiga tayinlandi

## Ижтимоий лифт



**Abdijamilov Joldasbay Zinatdinovich**  
Qoraqalpog'iston Respublikasi Vazirlar Kengashi raisining turizm va sportni rivojlantirish masalalari bo'yicha maslahatchisi lavozimiga tayinlandi



**Alixonov Abduqahhor Ibrohimovich**  
Pop tuman hokimligining Devonxona mudiri lavozimiga tayinlandi



Ишқ азоби тортмаган юрак ё телбанинг,  
ё мурданинг юрагидир.

Жалолиддин Румий

## ПАРЛАМЕНТДА:

Ўзбекистон Республикасининг «Виждон эркинлиги ва диний ташкилотлар тўғрисида»ги Қонун лойиҳасига киритилаётган ўзгартиш ва қўшимчалар биринчи ўқишда кўриб чиқиладиган бўлади.

Энг асосийси ушбу Қонун лойиҳасида шу пайтгача кўлаб саволларни келтириб чиқараётган муаммолар масалалар ўз ечимини топмоқда. Масалан, амалдаги қонуннинг 14-моддасида белгилаб қўйилган «...жамоат жойларида ибодат либосларида юришларига йўл қўйилмайди» деган тақиқловчи норма янги лойиҳадан чиқариб ташланмоқда. Лойиҳанинг 9-моддасида давлат «... диндорларнинг диний эътиқоди билан боғлиқ ҳис-туйғуларини ҳақоратлашга йўл қўймайди» дея қарор қилинган.

Шу билан бирга қонун лойиҳасининг 43-моддасида янги норма сифатида қонунчиликка риоя қилмаган диний ташкилотларнинг фаолиятини тўхтатиб қўйиш ва чеклаш қоидалари белгиляпти. Жуда ижобий қонун лойиҳаси.

Муқаддас қадриятимиз бўлган динимизнинг жамиятни маърифат ва тарраққетишга хизмат қилувчи кучини қора ниёт ва ғараз мақсадларга хизмат қилишига йўл қўймаслигимиз керак. Қонун лойиҳаси фракциямиз аъзолари томонидан биринчи ўқишда қўллаб-қувватланди. Иккинчи ўқишда қонун лойиҳасини такомиллаштириш бўйича ўз тақлифларимизни берамиз.

@alisher\_qodirov



**2 МИЛЛИАРД** га яқин киши темир моддаси ва А витамини каби организм учун ўта зарур бўлган органик микроэлементларни талаб даражасида тановул қилмаяпти. 155 миллион бола ўсиш ва ривожланиш борасида, 52 миллион бола эса сурункали чарчокдан азият чекаяпти...

## ПАРТИЯ ҚАРОР ИЖРОСИНИ ҚАТЪИЙ НАЗОРАТГА ОЛАДИ

БМТ маълумотларига кўра, ҳар кун сайёрамизнинг 840 миллиондан орტიқ аҳолиси тўйиб овқатланмаяпти. Натижада, 160 миллиондан орტიқ жажжи болакайлар имконияти мавжуд бўлгани ҳолда сут маҳсулотлари, томат пастаси, маккажўҳори ва яшил нўхат консервалари импорт қилинаётгани бу борада ҳали ечимини кутаётган муаммолар борлигини кўрсатапти.

Ўзбекистон Республикаси Президентининг 9 сентябрь куни қабул қилинган «Республика озиқ-овқат саноатини жадал ривожлантириш ҳамда аҳолини сифатли озиқ-овқат маҳсулотлари билан тўлақонли таъминлашга доир чора-тадбирлар тўғрисида»ги Қарори айнан ана шундай муаммоларни ҳал этишга қаратилгани билан ниҳоятда муҳим ҳужжат бўлди.

Мазкур қарорга кўра, мева-сабзавот, гўшт, сут ва бошқа қишлоқ хўжалиги маҳсулотларини етиштирувчи корхоналар билан бундай маҳсулотларни қайта ишловчи, тайёрловчи ва реализация қилувчи корхоналар ўртасида ўзаро манфаатли муносабатларни кучайтириш, тадбиркорлик субъектларини ҳар томонлама қўллаб-қувватлаш, маҳаллий озиқ-овқат маҳсулотларининг рақобатбардорлигини ошириш, бундай маҳсулотларнинг экспорт салоҳиятини кенгайтириш ва импорт ҳажмини камайтириш чораларини кўриш вазифалари белгилаб қўйилди.

Бундан ташқари, Қишлоқ хўжалиги вазирлигида алоҳида бошқарма ташкил этилиши ҳамда Қишлоқ хўжалигини ривожлантириш ва озиқ-овқат таъминоти жамғармасига 20 млрд сўм миқдорда маблағ ўтказилиши, мазкур соҳага халқаро молия институтлари маблағларини кенг жалб қилиш ва уларнинг

манзилли етиб боришини назорат қилиш, кадрларга бўлган эҳтиёжни тўлдирish юзасидан ҳам қатор вазифалар белгилаб қўйилди-ки, бу юқорида таъкидланган вазифаларнинг ўз вақтида ва самарали бажарилишини таъминлаш имконини яратади.

Таъкидлаш жоиз, бу вазифалар Ўзбекистон «Миллий тикланиш» демократик партиясининг Сайловолди дастуридаги «...миллат генотипини сақлаш, озиқ-овқат хавфсизлигини таъминлаш янада кучайтириш, аҳолининг овқатланиш хилмаҳиллигини кенгайтириш, мамлакатимизда сифатли ва хавфсиз озиқ-овқат маҳсулотлари ишлаб чиқаришни кўпайтириш ва бунда генларни модификация қилиш усулидан фойдаланишни имкон қадар чеклаш, шаҳар ва қишлоқларимизда озиқ-овқат маҳсулотлари нархи кескин ошиб кетишининг олдини олиш, қишлоқ хўжалигида озиқ-овқат маҳсулотлари етказувчилар фаолиятини рағбатлантириш тизимини яратиш ва жорий этиш ҳамда хорижий маҳсулотлар ўрнини босадиган ва хорижа сотиладиган маҳсулотларни ишлаб чиқарувчи маҳаллий ишлаб чиқарувчиларни ҳар жиҳатдан қўллаб-қувватлаш» сингари долзарб вазифалар билан ҳамроҳандир. Шу боис, партиямиздан сайланган барча даражадаги депутатлар ва фаолларимиз мазкур қарор ижроси таъминланиш жараёнида фаол иштирок этиб, мавжуд муаммоларни ҳал этиш ишларини ўз назоратларига оладилар.

**Зумрад БЕКАТОВА,**  
Олий Мажлис Қонунчилик палатаси депутаты,  
Ўзбекистон «Миллий тикланиш» демократик партияси фракцияси аъзоси

## Партия дастури амалда



## САЙЁҲЛИК САЙЁҲГА ЭМАС, БИЗГА КЕРАК!

Президент Шавкат Мирзиёевнинг Олий Мажлисига йўлланган навбатдаги Мурожаатномасида туризмни иқтисодиётнинг стратегик тармоғига айлантириш устувор вазифа экани, юртимизда 8 минг 200 дан зиёд маданий мерос объекти мавжуд бўлиб, туризм маршрутларига уларнинг атиги 500 таси киритилгани ҳамда ЮНЕСКОнинг Умумжаҳон моддий маданий мероси ва Номоддий маданий мероси рўйхатига янги объектларни киритишни тезлаштириш лозимлигини таъкидланган эди.


Айни пайтда Навоий вилоятида ҳам маданий мерос объектларини ЮНЕСКОнинг Бутунжаҳон маданий мероси ёдгорликлар рўйхатига киритиш, шунингдек, айрим объекتلарда зиёрат туризмни ривожлантиришга доир ишлар кучайтирилмоқда. Хусусан, «Қосим-Шайх», «Мирсаид Баҳром», «Ра-

боти-Малик», «Сардоба», «Мавлоно Ориф Деггароний» каби маданий мерос объектларини ЮНЕСКОнинг Бутунжаҳон маданий мероси ёдгорликлари рўйхатига киритишни 2021 йилнинг апрель ойида яқунлаш, зиёрат ва аънавий туризмни ривожлантириш мумкин бўлган маршрутлардаги объектлар сонини 800 тага етказишга доир ишлар жадал олиб борилмоқда.

Бу масалада Маданият Вазирлиги билан ҳам ҳамкорлик қиляпмиз. Худудда жойлашган маҳаллий ва хорижий сайёҳлар доимий ташриф буюрувчи Хатирчи туманидаги Оқмасжид, Қизилтепа туманидаги Боязид Бистомий ҳамда Нурота туманидаги Ҳасан ибн Хусайн зиёратгоҳларини таъмирлаш, туристик инфратузилмани ривожлантириш ҳамда қўшимча қулайликларни яратиш мақсадида чора-тадбирлар дастури ҳам ишлаб чиқилди.

Яқин келажақда Нурота туманининг «Сар Кориз» қадимий ер ости сув етказиб бериш қувурини реконструкция қилиш орқали очик осмон остидаги музейга айлантириш, туманидаги Сентоб қишлоғи, Хатирчи туманидаги Ангидон, Лангар қишлоқларига «Туризм маҳалласи», «Туризм қишлоғи» мақомини бериш орқали мазкур худудларда қўшимча инфратузилмани ривожлантириш мақсадида инвестиция киритиш орқали дам олиш масканлари ташкил этиш режалаштирилган. Бундай тизимли ишлар натижасида худудларимиз обод бўляпти, қанчадан-қанча янги иш ўринлари ҳам яратилапти.

**Илҳом РАЖАБОВ,**  
Ўзбекистон «Миллий тикланиш» демократик партияси Навоий вилояти кенгаши раиси, халқ депутатлари вилоят Кенгаши депутаты



"Milliy tiklanish" DP Qoraqalpog'iston Respublikasi Kengashi raisi lavozimida ishlab kelgan  
**Tajibay Romanov Niyetullayevich**

"Yuksalish" umummilliy harakati Qoraqalpog'iston Respublikasidagi hududiy bo'linma rahbari lavozimiga tayinlandi



"Миллий тикланиш" демократик партияси Навоий вилояти Кенгаши Ижроия кўмитаси девони Хотин-қизлар ижтимоий-сиёсий фаоллигини ошириш масалалари бўйича етакчи мутахассиси лавозимда ишлаб келган  
**Каттаева Дилдора Муртазажоновна**

Навоий вилоят Адлия бошқармаси ҳуқуқий тарғибот ва ахборот бўлими ердამчи маслаҳатчиси лавозимига тайинланди



"Миллий тикланиш" демократик партияси Пешкў тумани Кенгаши раиси лавозимда ишлаб келган  
**Рамазонова Замира Салимбаевна**

Пешкў туман Маҳалла ва оилани қўллаб қувватлаш бўлими Хотин-қизларнинг ижтимоий фаоллигини ошириш ва ижтимоий ҳимояга муҳтож оилалар билан ишлаш бўйича бош мутахассиси лавозимига тайинланди



"Миллий тикланиш" демократик партияси Тўрақўрғон тумани Кенгаши раиси лавозимда ишлаб келган  
**Азизова Дилноза Захитхоновна**

Тўрақўрғон тумани ҳокимининг маънавий-маърифий ишлар самарадорлигини ошириш, давлат тили тўғрисидаги қонун ҳужжатларига риоя этилишини таъминлаш масалалари бўйича маслаҳатчиси лавозимига тайинланди



O'zbekiston "Milliy tiklanish" demokratik partiyasi Jizzax viloyati Kengashi Ijroiya qo'mitasi devoni Tashkiliy-partiyaviy va kadrlar masalalari bo'yicha bosh mutaxassisi  
**Meliyev Orifxo'ja Oybek o'g'li**

Jizzax shahar hokimining ma'naviy-ma'rifiy ishlar samaradorligini oshirish, davlat tili to'g'risidagi qonun hujjatlariga riyoa etilishini ta'minlash masalalari bo'yicha



O'zMTDP Qoraqalpog'iston Respublikasi Kengashi raisining Oila va Xotin-qizlar masalalari bo'yicha o'rinbosari  
**Seytnazarova Injayim Erjanovna**

Berdaq nomidagi Qoraqalpog davlat universiteti rektorining Xotin-qizlar masalalari bo'yicha (jamoatchilik asosida) maslahatchisi etib tayinlandi

### Ижтимоий лифт





**Янги ўқув йили арафасида Президентимиз томонидан мактабларнинг очилиши масаласи ҳар бир ҳудуднинг ижтимоий аҳволидан келиб чиқиб белгиланиши, бу борадаги қарорни маҳаллий кенгаш депутатлари қабул қилиши зарурлиги таъкидланган эди.**

Шундан кейин маҳаллий кенгаш депутатлари ҳудудлардаги таълим муассасаларининг санитария-эпидемиологик ҳолатини ўрганиб, аксарият мактаблар пандемия шароитида ишлашга тайёр эмаслигини маълум қилишди.

Жумладан, Ўзбекистон «Миллий тикланиш» демократик партиясидан халқ депутатлари Тошкент шаҳар ва туман Кенгашларига сайланган депутатлар ҳам мактаблар фаолиятини ўрганганларида нафақат пандемия, балки янги ўқув йилига тайёргарлик билан боғлиқ кўлаб муаммолар борлигини аниқладилар. Хусусан, шаҳардаги 318 та мактабнинг 174 таси карантин шароитида ўқишга тайёр эмаслиги, қолган 144 тасида эса маълум камчиликлар борлиги аниқланди.

Бирон жойга текшириш ёки ўрганиш учун борилса, олдиндан хабар бериш одатга айланган қолган, — дейди Ўзбекистон «Миллий тикланиш» демократик партияси Тошкент шаҳар Кенгаши раиси, халқ депутатлари Тошкент шаҳар кенгаши депутати Отабек Жиянбаев. — Лекин бу сафар намунали ҳисобланган мактабларга ҳам тўсатдан кириб борганимиз учунми камчиликлар яққол кўзга ташланиб қолди. Айрим мактабларда карантин талабларини бажариш у ёқда турсин, ҳатто янги ўқув йилига ҳам тайёргарлик кўрилмаган. Масалан, мактаблардаги тиббиёт хоналари умуман талабга жавоб бермайдди. Дорилар қутиси бўм-бўш ёки муддати ўтган дорилар сақланмоқда. Ахир тиббий шароитлар яратиш пандемия билан боғлиқ эмас-ку, у доимо тахт бўлиши шарт аслида. Намунали мактабларда аҳвол шундай бўлса, қолганларида қандай бўлишини тасаввур

қилиш қийин эмас.

Депутатлар аниқланган камчиликлар юзасидан маслаҳат ва тавсиялар бердилар. Айрим етишмовчиликлар эса жойида ҳал этилди. Қисқаси, вазиятдан келиб чиққан ҳолда очилишга ҳар томонлама тайёр ҳисобланган мактабларга янги ўқув йилини бошлашга рухсат берилди.

Таъкидлаш лозим, ўрганишлар натижаси ижтимоий тармоқларда ҳам кенг муҳокама қилинди. Кимдир депутатлар хатти-ҳаракатини маъқуллаган бўлса, кимдир бундай қутилмаган ташрифлардан норози бўлди. Яъни, аксарият ҳолларда мактаблардаги пандемия ёки таълим билан боғлиқ муаммоларнинг очиб ташланиши нафақат мактаб маъмурияти, ҳатто айрим туман халқ таълими бўлими мутасаддиларига ҳам маъқул келмаган кўринади.

Чунки уларнинг аксарияти шу пайтгача ўз муаммолари қобиғида яшашга, уларни кўриб кўрмасликка олишга кўникиб қолганлар. Бу эса бошқа муаммоларнинг пайдо бўлишига олиб келган. Шу ўринда айрим мактабларни таъмирлаш ишлари якунланмаганини, тозалик, белгиланган тартибдаги таъминот масалаларида ўзибўларчиликка йўл қўйилмаётганини ҳам айтиш жоиз. Энг ёмони ҳар қанча тақдорланса-да, айрим мактабларда антисептик моддалардан тортиб оддий кирсовун сотиб олишгача педагоглар зиммасига юклатилмоқда...

Хуллас, ўрганишлар Шерзод Шерматов етакчилиги қилаётган тизимдаги айрим мактабларнинг бундай синовларга тайёр эмаслигини кўрсатиб қўйди. Нима бўлганда ҳам энди тегишли идоралар маҳаллий кенгаш депутатларининг аччиқ, аммо очик танқидларидан тўғри хулоса чиқариб, амалий ҳаракат қилсалар мақсадга мувофиқ бўлар эди.

**Ҳамдам НИЁЗОВ,**  
Ўзбекистон «Миллий тикланиш» демократик партияси Тошкент шаҳар кенгаши девони раҳбари

# Кўнида синиши вазирнинг ҳам ҳаётига келмаганда...

## БЕХЗОД МУСАЕВГА ПАРЛАМЕНТ СЎРОВИ ЮБОРИЛДИ

**Вазирлар Маҳкамасининг «Олий ўқув юртларида тўлов-контракт асосида ўқиш учун таълим кредитлари бериш тўғрисида»ги 318-сонли Қароридан «Таълим кредитлари тижорат банклари томонидан олий таълим муассасаларининг кундузги бўлимларига тўлов-контракт асосида қабул қилинган Ўзбекистон Республикаси фуқароси бўлган талабаларнинг ўқиши учун талабаларнинг узларига, уларнинг ота-оналари ёки васийларига берилиши мумкин»лиги белгилаб қўйилган.**

Шунингдек, чин етимлар, «Меҳрибонлик уйлари»да тарбияланганлар ҳамда болаликдан I ва II гуруҳ ногиронларига — ноль фоиз ставкаси (фоизсиз кредит)да, талабаларнинг қолган тоифаларига 2020 йилнинг 1 январидан бошлаб фоиз харажатларининг бир қисмини «Yoshlar — kelajagimiz» жамғармаси маблағлари ҳисобидан компенсация қилиш механизмидан фойдаланиш имконияти билан бозор ставкаларида бериш белгиланган.

Кам таъминланган оилалар фарзандлари учун эса кредит бўйича қўшилган фоизларнинг 50 фоизи туман Бандликка кўмаклашиш ва аҳолини ижтимоий муҳофаза қилиш марказлари томонидан Иш билан таъминлашга кўмаклашиш давлат жамғармаси маблағларидан тўланиши кўрсатилган.

Бироқ ҳукуматнинг 2018 йил 16 августдаги қарори билан тасдиқланган «Ўзбекистон ёшлар иттифоқи ҳузуридаги «Ёшлар — келажакимиз» жамғармаси маблағларидан имтиёзли кредитлар ажратиш ва лизинг хизматларини кўрсатиш ҳамда тижорат банклари кредитлари бўйича кафилликлар бериш тартиби тўғрисида»ги Низомда талабаларга бериладиган таълим кредитлари бўйича 2020 йил 1 январдан бошлаб фоиз харажатларининг бир қисмини «Ёшлар-келажакимиз» жамғармаси маблағлари ҳисобидан компенсация қилиш механизми назарда тутовчи тегишли ўзгартиришлар киритилмай қолди.

Бугунги пандемия шароитида эса аҳоли даромадларининг кескин камайиб кетгани, тўлов-контракт асосида олий таълим муассасасига ўқишга қирадиган 85030 (жами квотанинг 74,6%) нафар талабанинг тижорат банклари кредитларига бўлган талабини ошириб юборди.

Шу боис, тижорат банклари томонидан бозор фоиз ставкаларида ажратилаётган таълим кредитларининг бир қисмини «Ёшлар — келажакимиз» жамғармаси маблағлари ҳисобидан компенсация қилиш бўйича зудлик билан тегишли чоралар кўрилса, мақсадга мувофиқ бўларди. Акс ҳолда юқори фоизли таълим кредити тўлов қобилиятига эга бўлмаган ёшларни олий таълимдан қайтариб қўйишимиз мумкин, деб ҳисобланади.

Юқоридагилардан келиб чиқиб, Ўзбекистон «Миллий тикланиш» демократик партияси ташаббуси билан Ўзбекистон Республикаси Бош вазирининг ўринбосари Беҳзод Мусаевга «Ёшларнинг таълим олиши учун янада кенг имкониятлар яратиш мақсадида олий ўқув юртлари талабаларига таълим кредитларини ажратишни тақомиллаштириш тўғрисида» Ўзбекистон Республикаси Олий Мажлиси Қонунчилик палатасининг Парламент сўрови жўнатилди.

**Жаҳонгир АБДУРАСУЛОВ,**  
Олий Мажлис Қонунчилик палатаси депутати, «Миллий тикланиш» демократик партияси фракцияси аъзоси



### Худудий кенгашларда

#### Наманган вилояти:

#### Эргашевага эргашиш, жаноблар!

Ҳар куни бирон-бир фуқарони эшитмаса, мурожаатини ҳал қилмаса кўнгли тўлмайдиган Мунисхон Эргашева бу сафар ўз номига кредит расмийлаштириб, Поромон қишлоғидаги 78 та хонадонни суюлтирилган газ балони билан таъминлади.

— Виджонан ишласак, халқ биздан рози бўлаверади, юзимиз ёруғ бўлади, — дейди халқ депутатлари Янгиқўрғон туман кенгаши депутати.



#### Бухоро вилояти:

#### Энди марказ ҳам савобга шерик



Ғиждувон туман кенгаши депутати Мустафо Умаров Вазиршох маҳалласи фуқаролари Шаҳодат Ниёзова ҳамда Нуриддин Маҳмудовларнинг мурожаати асосида туман бандликка кўмаклашиш марказига депутатлик сўрови юборган эди. Марказ депутатнинг сўровини ижобий баҳолаб, фуқароларга иссиқхона қуриб беришга киришибди.

#### Жиззах вилояти:

#### Депутат уйғонинг деганидан кейин улар уйғонишди!



Фуқаролар мурожаатидан сўнг депутат барча масъул идоралар эшигини тақиллатиб, уларга тиним бермаётган эди. Ниҳоят халқ депутатлари Арнасой туман Кенгаши депутати О.Амаков ташаббуси билан Янгибўстон маҳалласининг ўйдимчуқур йўллари текисланиб, асфалт ётқизилди.

#### Тошкент шаҳри:

#### Жаҳонгир маҳалла идорасини ҳам «музлатди»

Мирзо Улуғбек туман кенгаши депутати Жаҳонгир Зияев яна бир савобли ишга қўл урди. Бу гал депутат кўмаги билан таъмирга муҳож бўлиб қолган «Чимён» маҳалласидаги нурунийлар чойхонаси капитал таъмирланиб, атрофи ободонлаштирилди. Шунингдек, маҳалла идорасига замонавий совуткич ҳам совға қилинди.



#### Тошкент вилояти:

#### Фаолларимиз чала иш қилишмайди

Ўтган ой Бўстонлик туман кенгаши депутати Ш.Нишонев ҳамда партия фаоли А.Эсонбоевлар ташаббуси билан Богистон қишлоғидаги қабристон йўлига тош тўкилиб, текисланган эди. Энди эса ана шу йўлга асфалт ётқизилди. Ҳашарда қишлоқ аҳли ҳам фаол иштирок этиб, депутат ва партия фаолига миннатдорлик билдиришди.



#### Навоий вилояти:

#### Юз нафар аёл олдида юз ёруғ бўлди

Навоий вилоят кенгаши депутати Машҳура Қаримова ташаббуси билан «Ғойибон» маҳалласининг 100 нафар чевар хотин-қизлари «Қизилтепа чеварлари» текстил корхонасига ишга жойлаштирилди. Улар асосан кам таъминланган, «Темир дафтар»га киритилган оила вакиллари бўлиб, бу рўйхат аввалроқ депутат томонидан шакллантирилган эди.





